

Nuorttanaste

Hærra! Orromvisten læk don læmaš migjidi sogast sokki.“ (Salma 90, 1).

„Occet baica Ibmel rika, de buok dak digjidi addujuvvjek!“ (Luk. 12, 31.)

Nr. 12.

17. jakkegærdde.

»Nuorttanaste« maksa ovta kruvna jakko- dagast, bladde dinggujavvu juokke poasta- rappe bokte.

Korsfjord'ast:
30ad Juni 1915.

»Nuorttanaste« olgusboatta guovte gærde manost — dam 15ad ja dam 30ad bæive juokke manost.

Go duottavuotta vuotta.

Okta ouddalaš fritænker, Lavedan, čalla dai franska olbmuidi:

„— Man hirmadlaš, man buollelaš i læk ovta olbmuvave, go dat i nuftgo balsam sate golggat okta goaikanas su sisa dam „imašlaža varast“, dam imlašlaža — vuoi mon im duosta namatet Su nama — Son læi nu buorre. Ja mon. — Mi galgga šaddat Frankrikast, jos dam manak æi osko, dam nissonak æi rokkadala!

... Vuoi, okta albmug jabmin gokča ædnama. Man dat dadede læ garas čuožžot dam našonalgirkkogardest ja læt fritænker! Mon dam im sate. Mon læm bættam ječam ja din, gudek logaidek mu girjid ja lavloidek mu visaid. Frankrika, Frankrika, jorggal ruoktot fast oskoi, du havskis beividasak! Atte guoddet Ibmela læ dat sëmma go hævvanet. Mon im diede ælamgo ittaši. Mutto dam datom mon cælkket mu ustebidasam: Lavedan i gilla jabmet nuftgo æppeoskolaš. Helvet mu i suorgat. Mutto dat jurda givseda mu: dobbe ælla okta Ibmel — ja mon læm nuft gukken erit sust. Allaget galgga mu vaibmo avvodet, jos mon oažom bajasället dam boddo, go mon mu čibbidam alde matam cælkket. Mon oskom, mon oskom Ibmel ala, mon oskom, mon oskom. Dat læ albmuga iddedeslavla. Dasa gutte dam i diede, sadda igja!“

Giældabappa Nes, Talvikast

doalai ærrosarne Gamavuona girkest sodnabæive dam 20ad juni. Nuft læ fast Sameædnam massam ovta su bapain — ja dam have ovta buorre bapa. Ollo læi olmuš čoažganam girkoii, mi læi aibas bakka dievva.

Bappa valdi tævsta Lukas 15ad kapittal, 11ad værsa rajest ja sarnoi čielggaset dam guovte barne birra — dam lappum ja dam sidast orru barne birra. — Son namati moft ædnagak lavvijegje ballat Ibmel moarest ja nuft æi duostam maccat ruoktot ače vissoi. — Judalažak adne moare Jesusi, ja nuft læ maidai minge beivin, olbmuk adnek moare Jesusi ja su manaidi. Mutto Jesus datto læ, atte oažžot mailme manadilalašvutti Ibmelin, ja nuft i læk Ibmel moarest suddolaža vuostai, mutto datoši sin albmai; mutto suddolaš bigja dam vuostai: dastgo son datto suddo mieldes. Ibmel i vašot suddolaža, mutto su suddo, maid olmuš illa datto luopat. Ibmel i dapa uvsa, mutto dat læ suddolaš ješ, gutte appa uvsa aldsešis. —

Dat boarrasebbo bardne datto atte ače vaibmo galgga læt daloised vaibmo ige ače vaibmo. Dat muittalus čajeta migjidi dam čabbasemus evangeliumlaš muittalusa, mi almostatta migjidi Ibmel ače rakisvuoda. — Ačče doalla guossemallasi mannas; mutto daloised balvvalægjid. Ised rameda buorre balvvalægjid, mutto ačče rakista vela

dam hæjomus manasge; mutto suddo daihe su bahas dago son gal vašota. —

Mañnelgo bappa læi loapatam bæivvesarne, de botte ærrosane k.

Son namati:

Dak jagek, maid son læi vasetam Dalmeluofta særvvegoddest, legje læmaš riggis jagek sudnji (vuoiñalažat). Ja sëm mast go son giti særvvegodde ovtast orromest, namati son maidai, atte dat læi særvvegodde ješ mi læi addam sudnji dam riggisvuoda go son oini alo særvvegodde rabas čalmi, ju dam goiko, mi dast læi Ibmel sane mañnai, ja dat læi gæppodam su losis virge ja addam sudnji famo. — Son bođi Dalbmelukti nuftgo nuorra bappa ja ucacan kristalaš guoratallamušain. Ja atte son dal læi boattam lagaba Ibmela, læi særvvegodde gittemest.

Son læi boattam dovddat ouddanæme særvvegoddest dam aige sisa. Altari mannam læi šaddam stuorab, mi juo læi buorre mæarka særvvegodde bajasmannami Erinoamačet dam mañemuš 4 jagest læi altargussi lokko lassanam burist, erinoamšet dima ja dam jage lassanam moaddegærddei. — Su rokkus særvvegoddei læi. Diktek altar mannama lassanet! Dam siste gavdnu stuora fabmo jorggalussi ja nanosmattujubmai. Dat læ gielda riggisvuotta, vare dat aidarduvvuši riftes lakai!

Ja go son guodda Dalbmeluofta gielda, de læ dat morrašin Dat odda gieldda i daide šaddat nuft gæppas sudnji.

Loapatussi savai son, atte

særvvegodde muitaši su ja son fast dam rokkus siste. Dai saniguim gitos buok havskesvuodast.

*

Mi savvap gielabappi Nes ja su bærraši likko ja buristsivdnadusa dain odđa gielast, (Stor Elvedal) ja dulkok ædnagi vaimo savaldagai go cælkkep sudnji vaimolaš gittosid ovtastorromest.

Redaktøra.

Brævak.

Raddovuonast.

Hr. rekaktøra!

Mon loppedim saddet Dudnji muttom sane. muttom sane Mannasida birra, mi min miela læi dævddam nuft ollo.

Dat læ dal 10 jage dam rajest go Hans Shanche — Hansa Čæcce — jami. Olles su čabba ædnamobmudaga čabba soakkevuddin ja muttom aldečuozžo boares viesoin testamenteri (skenkki) son Mannasidam. Viesok læk hæjok, mutto vejolaš sattek daddeke adnujuvvut olggoviesson.

Muttom jage mannel jami læska-fruvva Vedige, gutte læi nuogo di diettebetet sogalaš Hansa Čæccai. Sust æi læm manak alde, mutto son bajasgesi 11 sidakættes mana. 15—16000 krvna testamenteri son jodetam varas eam sida Hansa Čæce ædnam alde. Æi goabbastge læm manak aldsesek, mutto sodnost læi vaimolake ja jurda, atte oažžot dakkat juoga dai ædnag sidates duonaidi, devdi sodno miela æmbo, go oktage jaki.

Ja okta sida sigjidi gæina i mikkege læk, sigjidi gæk gillajek baha, sigjidi gæk æi mate šaddat ja attanuššat dai dilalašvuodaid vuolde go læk, sigjidi gæina vaillo borramuš, bivtas, dikšo, čuovgga ja aibmo, man havske dadde i lifči dat.

Mi særvaimek juo, hr. redaktøra, atte mi aigoimek gæččalet væketet, væketet dai gaskaomiguim mak læk min valdest, gæččalet oažžot nuft ædnagid go vejolaš dam jurddagi atte læt mielde atte bajasceggit sida vuovddai Hansa Čæce ædnam ala.

Frøken Sørhus læ alggam ovtain manaservin, son læ anger, bargga viššalvuodain. Mannasidasaka læ min rakkasemus sagastallam, go son læ dabe. Mannel gæse mielde alggek fruvvak Korsvik ja Furevik nisssoniservin, masa Dæno nissonak servek.

Ja jurdaš Don mu stuora ilo go mon gieskad vuostaivalddim ovta bræva, mast mudnji loppe-duvvui vittačuotte kruvna min Mannasidi.

Mu ustebak Namdalast læ maidai miettasak dam saki, erinoamačet hr. Moksnes ja su akka. — Wangberga læi gullam testamenta bajaslokkujuvvumen.

*

Dabe læ læmaš daggar jottim ja movta dam maneb aige. Nuotteolmai Frants Mostaparta Čaccesullust eriti læ stenggin 3000 kassa sæktesildid. Si vulggek sfdi čabba rutta šlumpain, mi læ sigjidi burist udujuvvum.

Hr. Mostaparta skenkki 5 kr. dam namatuvvum Mannasidi.

Olbmuk Raddovuonast šaddek vissa gukka muittet Frants Mostaparta ja su mandskapa dam erinoamaš buorredagolašvuoda oudast, maid si čajetegje dai vaivašid vuostai. Si læk addam ruda, biktasid ja borramuša. Si læ mannam birra viesoi mielde oaidnim varas vaivašvuoda. „Mon læm ješ læmaš okta vaivaš gandda,“ celki nuotteolmai. Man davja i šadda vajaldattujuvvut mi „Mon læmaš.“

Gitos havskis dæivadæmest Furevika hæjain ja burist dæivadæmest — juobe dalle go Mannasida galgga vihatuvvut. Mi galgap rokkadallat atte mi bajasællep dam. — Gitos maidai Du æcalašvuoda oudast go blade saddek mudnji!

Ædnag dærvuodaiguim

Din

Thora Amble.

Soatte lavla.

Gæča dal sormijuvvu ja bolddujuvvu Davven ja madden, Ja stajeduvvu bævčam, ja væstam.

Min ædnam læ šaddam okta borgestægje helvet, Gost duhak kanonaid holvon jiedna, čuojatuvvu dain jermetis hæjon.

2 Gæča duhatid olbmui jabmem vaibasiguim
Vөгai maššotes raidoid sist,
Sin dærvas jierbme læ sækanam ja sevnjodattum,
Go si agjojek oudast nuftgo njuovanspirik
Soade garruduvvum noade vuold.

3 Juokke boddost mi njllojuvvu vassam aige sist
Gačček duhatak ædnami jabmen,
Nuft læ soade jermetis varragaibadus.
Æi buokak oažo gærde ovta mašolaš havde,
Oudalgo goaskemak gaikodek sin.

4 Gison odneges radde ja stelle dam mailme,
Gi mærrer dam lagaid ja bakkom?
Juo, dak kroneduvvum olbmuk gæk bettolašvuotti,
Dai varaid sist bivdek sin ječasek avke,
Ja higjedek dam ælle lbmel.

5 I dološ aigasas vildamus bakena luonddo
Læk sattam arvedek dam bakčas ja vaive,
Mi aito dal duhak jakkasaš čuovggasa manest,
Valjogasak kanonaidi bidgejuvvu biebmon,
Dam rameduvvum kristalaš vægast.

6 Vuoi man gukka, man gukka galga ain sormijuvvut
Ja čirrojuvvuk viesoin ja luggoin?
Igo varralavgo giksajis bavčaslaš sorbmin
Galga nokkat oudalgo buok erithævatuvvu
Ja molsašuvva borgestægje čievran. (Sissasaddi K. Hanssen.)

Rafsbottenest.

Muittajim monge čalestet bitta min suotasis »Nuorttanastai,« go lokkim nr. 11 alde »Argis njoammel« ja dabmok Bonakasast. Go duot Hellander ja Læstadius čuovvo čalla, atte i oktage boađe almevalddegoddai ærago Læstadius kristalažak, ja namata buok ærai jorgo særvven.

Mutto æmgo moai vuolge skuvlai? Gal vissasi jærak don, man skuvlai? Æi monnost læk ruđak, maina moai koastededne aldsesæme eksamen virge, mi galgaši šaddat ællem vaivin. Min ællem læ skuvla vazzim, atte mi oapašeimek dam mađe, atte oainašeimek dakkat erotusa čuovggas ja sævnjadasa gaski. Mutto moai ledne aibas unnan oappam ja billašuvvam jiermest sevnjudam, atte moai dulbme frelsesarme ja friagirrkko ja obba kristalaš særvvegodde julgi vuollai. Lægoston monnost osko nokka, lægoston kristalašvuotta nokka, lægoston gierddavašvuotta nokka? Vissa gukken erit. Nago Bassevuoinja cakkita dola ja boaldda Læstadiusa nuoskis poastala, gæn moai galgge dalle sivatallak, jogoston redaktora? — Gi oidnujuvvui dast oudalaš nummarin sivatallomen boalddam Lunja rokke samegiel lavlagirjid? Vissa mailmest læk profetak, evangelistak ja duotta kristalažak. Jos dak æi lifči, de mailbme i čužoši.

»Argis njoammel« Øvre Bonakasast, manne moai ledne nu arge? Daina vissa go moai ledne vazzam spirid nuoskis basist ja gallam dam rabe, atte durddo monno biktasak ja šaddam malet »Nuorttanastai« ollo bogostak artikkal.

Vaiko monno vieljak ja ustebak viggek rakisvuodain daid buttestet, de æi dak sate buttestet daid siskemuš biktasid dainago æm gilla daid eritnuollat. Mutto jos Ibmel suovaši monnodi Bassevuoinja, de æm darbašifči jærrat: goggo gæidno manna agalaš ællemi.

Igo redaktora lifči nu buorre, atte muittalifči dam Læstadius čuovvo adressa, vai mi dieđašeimek čallet sudnji dærvuočaid moadde avisa.

Vieljalaš dærvuočak Sabmelaš gavppeolbmast Ræšvuonast.

Israel N. Mella.

Jos guttege aigoš dam bitta vastedet, de in mon aigo dam vastedet blađe ala, dastgo must læ uccan dille.

D. s.

Dainanummarin

loapata »Nuorttanaste« su vuostas jakkebælest dam jagest. Aigge manna jottelet. Jurdaš fast læ okta ođđa jakkebælle gollam, vaiko da gieskad algimek čallet 1915.

I læmas dat vuostas jakkebælle »Nuorttanastest« rabnom væra. Ollo vejolaš dak vaddes ja divras aigek dam læk sivalažak. Doallid lokko i læk lassanam æmbo go dibmage læi dam aige, Nuorttanaste sisaboatto mannam jage vuostas jakkebælest (januar — juni) læi Kr. 366,83 dam sagjai dam jage januar — juni loppi læ dušše Kr. 277,53, nuft atte juokkehaš arved, atte i Nuorttanaste mataši dam divras vaddes aige olgusboattet ječas navcaiguim, jos miššona i væketifči. Blađe olgusgoluk læk stuorrak, dam arvveda juokkehaš.

»Nuorttanaste« olgusmanna dal vuostas jakkebæle loapast min ædnam mietta 654 eksemplarim, Alaskai ja Washingtoni 14, Ruotaædnami 2, oktibuok 671. Savvamest lifči atte doallid lokko lassanifči juobe 800 ođđajage ragjai. Ja mist læ dat doavvo, atte dat satta likkostuvvat, jos min ustebak bigjek buorre sane ja dato blađe viddedam varas. Mi diettep, atte muttomak min ustebin barggek stuora ælljarvuodain dam ala, atte blađe galgaši viddanet vakko blađe; mutto orruk dego vaibbamen ja dolkkamen, go nuft njoacek manna viddedemin. Allet vaiba rakis ustebak! Leket gierddavažak din bargodek sist! Æp mi berre vaibbat, mutto barggat stuora ælljarvuodain oudast guvllui. Damditi, rakis mielbarggek, doaimateket ain din fidnodek vela stuorab doavvoin go oudal!

Min kommišsonærak!

Leket viššalak viddedek blađe ja oazžot mavso sisa!

Kommišsonærak, guđek ležžek blađe ruđaid vuostaivalddam ja æi saddim vela sisa, berrijek dam dakkat dallanaga, muđoi šadda sin namma eritvalddujuvvut blađe alde nuftgo min kommišsonæra.

Rakis ustebak! Mi berrep buokkak barggat ovtarađalašvuodast ja nuft gæppodet guoibmamek noađe. Burist dæivadæmest fast nubbe jakke bælest!

Vaimolaš dærvuočiguim
Ovla Andras, redaktora.

Girje-diedetæbme.

Sardnejotte Wangberg Troandemest, gutte 12 jage læ jottam Sameædnamest »rafhe evangeliumin,« læ dal olgusaddam ovta ucca vuoinjalaš girjača samegilli, man namma læ

Bibala oappo oamedovdo birra.

Dam girjest læ oktibuok 60 sido (bæle), mast 2 gova. Go olmuš rabasta dam girje, de dæivva vuost Wangberga ječas gova, go son čokka ja logada »mailme buoremus girje« (bibala). Oanekažat muittaluvvu su bajasšaddam birra ja moft Ibmel læ fievredam su dam mailmest. De dæivvap mi dam stuora miššonlavo gova, maid son læ ožžom olggoædnamest »nuftgo vastadus osko rokkusi.«

De boatta girje ječas sistdoallo. Čielgga čallag saniguim čilgge son olbmua oamedovda golmalagaš dilalašvuoda vuolde, namalassi:

1. Nuftgo baken [alma laga ja evangelium taga.

2. Judalaš (Israelitalažak dam boares litto viessodalodoalatusast j. n. v.

3. Ođđasistriegadam kristalaš oamedovdo dam dalaš šerris evangelium čuovggasist. Dam girje berre juokkehaš lokkat, gæst læžža oamedovdo, ja dat læ okta daina maid olmuš ainas berre guoratalat. Vuostas oasse dam girjest loappa Sanky bæggalmas morridus lævllagin »Ovcelok ja ovce savca legje« mi læ jorggaluvvum Samegilli min oskaldas vielja Ovla Hændaraga bokte Kristianiast.

Girji nubbe oasse sistedoalla namatuvvu oanekažat ja čielggaset dai saniguim; »Jos don oskok, manditi ik læk don dalle visses du bestujumad ala, ja jos don læk bestujuvvum manditi ik læk dalle ilost?« — Dat oasse læ samasjorggaluvvum darogielast ja berre ainas gavdnujuvvut juokke guoratalle ja jurdašægje Ibmel mang duokken, nuftgo maidai daina, gæk »jerrek dam riftes gæino manpai.«

Dast læ oanekažat namatuvvum dam girje sistdoallo. Dam girje hadde læ nuft halbbe, atte dam nagada juokkehaš oastet. Dat maksa dušše 20 evre ja 5 evre porto. Gi 25 evre frimærkaid [jogo 10 daihe 5 evresas] sadde oazžo dam girje dallanaga poastas saddijuvvum

**Nuorttanaste ekspeditionast,
Korsfjorden, Altenfjord.**

Muite, daggar brævak eai mana portofria gal. Lekus daggobokte dat Wangberga ueca girjaš fallujuvvum buok Same olbmuidi ja šaddus stuora buristsivdnadussan.

Vieljalažat
Din **Ovla Andras.**

Sameædnam sagak:

Salled

ain stenggijuvvu Altavuonast daina beivvin. Dal læ stuorab sorta go oud-dal. Muddages sæktesalled. Hadde galgga læt 3 kruvna kassast. Dabe læ buorre doavvo salled bivddoi.

Saidde maidai læ oidnustaddam smavvaset.

Luossabivddo

i oro likkostuvvamen dam jage dabe Altast. Aido Madavarjagest dat bæ-gga buorre bivddo.

Dorskebivddo

læmaš obba buorre dam mañeb aiggai Sameædnam bivddoværain. Muttomæk læk bivddam obba burist. Baha læi, atte nuft ædnag bivddek šadde manadet ruoktot nuft arrad.

Ollo ruošaskipak

læk boattam, mutto jaffo gal eai loga fievredet dam jage. Dušše ruđain oas-ta gulid.

Odđa lokaldampa

algga dal jottet Altavuonast. Væsta-Sameædnam dampa selskappe læ dal valddam Altaruvta ja bigjam dampa »Brynilen« dampa »Alten« sagjai.

»Brynilen« læ odđa dampa ja stuorab go »Alten«, mi maidai gulla dal V. S. d.s. ja galgga dal gæsserutast jottet Skiervarutast. Dalvveg fast Altast. Dam selskape lonotæme diti šaddap mi dal maksit stuorab fravta ja billetruđa.

Jurda læ atte Sameædnam amta galgga valddet buok lokalruvtai Sameædnamest, æreb Alta ja Skiervaruvta, boatte jakkai. Dat famolaš Norden-fjeldske dampaselskappe aiggo dal luopat lokalfarta Sameædnamest ja vuovddet buok lokal dampai Sameædnam amta dampaselskappai.

Galmas læ gæsse

dam jage ja ballamest læ hæjos šad-dojakke. Guorbbas læ ain gieddek ædnag sajin.

Lavnje-barggo maidai mañani

dam jage, go jæggek læk galbmas.

Dam jage fertte juokkehaš lavnji šuoppak boalddamuššan go koalla læ divras ja vaddes oažžot. Koallahadde Hammerfestast læ dal kr. 3,80 hl.

Sakfærer Kloumann

Tanast læ namatuvvum politimæsteren Hammerfesti.

Odđa bapak.

Kandidat Stenholdt læ namatuvvum giældabappan Lebesby, pastor Gjesdahl giældabappan Talviki, kandi-dat Hovde giældabappan Lappai ja kandidatak Olsen, Krohn-Hansen ja Iversen stitskapelanan Tromsa stifti.

Boarrasisida Tanast

Juovllavuonast, Østertanast arvvaluvvu vihatuvvut 9ad ja 10ad juli, masa ol-lo olmuš šadda šoagganet gidda Nor-ga madamuš gæčest.

Stuora skuotta

baččujuvvui gieskad Girkkonjargast. Dasa adnujuvvui 22,000 kilo dynami-ta. Daggar stuora skuotta i læk vela baččujuvvum Norga varre gruvain oud-dal.

Mailme-soatte.

Tuiskalažak

læ vuot iskaladdam Norga skipai na-nosvuodā, ja nuft vuogjodam fast marga skipa abe bodnai.

Nuft læ Nordenfjeldske dampa »Svein Jarl« baččujuvvum bodnai, man gæčeld 12 olbmū dušše. »Svein Jarl« læi koalai šuovddemen Girkkon-jarggi. Maidai marga æra dampa læ tuiskalaš bodnai saddim.

Nuft læ Norga massam dal

34 skipa

dam rajest go soatte algi. Soatteresi-ko læ 9,5 miljon kruvna. Gal dat juo læ stuora tapa ovta raffhalaš ja vige-tes ædnami.

Sodni manna nuftgo davalazažat. Stuora olmuš joavkok dolvvujuvvujek njuovvamsajidi ja ruđak miljonai ja fast miljonai mielde oaffaruššujuvvu-jek soatte altar ala. Nuft aiggo

Franskalaš

lonit Amerikast 75 miljon dollara oas-tem varas baččimbierrgasid.

Frankarika soatte olgusgolok læk **50,000 francs minutast**

dam mañemuš rekenastim mielde.

Mañemuš soatteoddasak.

Okta tuiska čacevulušdampa mat-kest Englandi læ mannam ovta mina ala ja vugjum. Dušše 2 besse heggi.

Tyrkalaš læ soade algo rajest mobiliserim 400,000 olbmū. Daina læ massam Gallipoli faggadallamest 100,000 olbma.

Ruošša orru vuoitatallamen dai-na mañed dæivadallamin.

Tuiskalaš ruoktot maksa dai ski-paid maid vuogjoda. Gal datge duk-koraddam gartta divrasen sudnji. Duš-še dampa »Minerva« vuogjodæme ou-dast aiggo maksit 2 miljona.

Jaffo halbbo.

Arvvaluvvu, atte jaffo daidda halbbot čavčabællai, manditi gavppe-olbmak æi dato vuost oastet jaffoid.

Nisošaddo galgga læt 40 procent buoreb dam jage go mange oudeb ja-gge šaddo.

Mutto gal ječa dingga fast divr-ru. Vela avishaparake læ divrom dam mañeb aiggai ja ain divruk.

I maddenge buoreb.

Maidai maddenge læmaš galbma dal-kek. Romsdalast læmaš gieskad nuft buolaš, atte 4–5 savca læ gollum ja-mas. Gal dalle juo læ lieggasebbo Sameædnamest.

Jos ik

læža vela dinggom

„Nuorttanaste“ 2be jakkebællai,

de doama juo dinggut dallanaga; dast-go dal heive nuft vuokaset ouddalgo 2be odđa jakkebælle algga. Dat, gutte dam rajest dinggu blađe i šadda dam gattat. Galggabetet oaidnet.

Gæččal nabbo dinggut NUORT-TANASTE 15ad juli rajest jage lop-pi ja dat maksa dušše

— **50 evre,** —

mi satta maksujuvvut jogo lagamuš poastarappai, njuolga eskeditionai daihe min kommiššonærain:

John Josefsen, Lerpel Porsangen.
Per Isaksen, Neiden.
Nils Svendsen, Veines.
Einar Persen, Storfjord.
Sardnejotte Korsvik.
Sardnejotte Nils Garggo

»Nuorttanaste« čalle, prenttejægje ja olgus-adde læ **Ole Andersen, Korsfjorden.**